

## SAINCHUNTAS POIST

<b>Teideal an Phoist:</b>	<b>Riarthóir Oifige, Cumann na bhFiann</b>	<b>Áit lonnaithe:</b>	<b>Ionad Óige na hÉireann, Droim Rí, Co. na Mí agus obair ó chian</b>
<b>Freagrach do:</b>	<b>Bainisteoir Riaracháin</b>	<b>Dáta an tsainchuntais poist:</b>	<b>Meán Fómhair 2023</b>

<b>An Ról</b>
Tá post mar Riarthóir Oifige á fhógairt ag Cumann na bhFiann. Tá duine díograiseach, coinsiasach, cairdiúil ag teastáil don ról seo. Beidh an té a cheapfar ag obair mar chuid d'fhoireann spreagúil atá tiomanta don Ghaeilge a chur chun cinn do dhaoine óga, trí sheirbhís ar ard caighdeán a chur ar fáil dóibh. Beidh an t-iarrthóir a n-éireoidh leo cumasach, solúbtha agus in ann obair i dtimpeallacht ghnóthach, san oifig agus ar líne.

<b>Cumann na bhFiann</b>
<b>Tá Cumann na bhFiann mar cheann den sé Ceanneagraíocht atá maoinithe ag Foras na Gaeilge.</b> Tá CNB ag cur seirbhísí Gaeilge ar fáil le breis is 50 bliain. Is é misean CNB ná an Ghaeilge a chur chun cinn i dtimpeallacht spreagúil trí dheiseanna a chur ar fáil chun an Ghaeilge a úsáid mar theanga bheo i suíomhanna sóisialta lasmuigh den scoil. Déanann an eagraíocht gach iarracht spás a chur ar fáil do dhaoine óga chun an teanga a úsáid ar bhealach nádúrtha, spráíúil agus réadúil. Trí chúrsaí, clubanna óige, imeachtaí agus gníomhaíochtaí a reáchtáil, díríonn CNB ar thacaíocht a thabhairt do dhaoine óga a líofacht agus a mhúinín i labhairt na Gaeilge a fhorbairt, agus grá agus meas ar ár dteanga dhúchais a chothú iontu freisin.

<b>Príomhdhualgais an Phoist</b>	
<b>Seirbhís fáilteora</b>	Freagrach as fón agus gléas freagartha na heagraíochta, ríomhphoist eolais agus iarratais eolais ón suíomh. Eolas a chur ar fáil don phobal faoi obair na heagraíochta.
<b>Post</b>	Post na hoifige a shórtáil.
<b>Seirbhísí do chustaiméirí</b>	Freastal ar riachtanais an chustaiméara san oifig nó ar an bhfón/i ríomhphost.
<b>Obair Riaracháin</b>	Gnáth obair riaracháin laethúil mar aon le tacaíocht leanúnach a chur ar fáil d'fhoireann na heagraíochta chun an oifig a riar.

	Córas chomhaid éifeachtacha a choinneáil don eagraíocht, idir chrua agus leictreonach.
	Bunachar sonraí na heagraíochta a choinneáil suas chun dáta.
<b>Imeachtaí</b>	Eagrú ócáidí/seimineár eolais-riaracháin, sólaistí, ábhair, teicneolaíocht agus fearais san áireamh.
<b>Margaíocht</b>	Ábhar bolscaireachta faoi obair na heagraíochta a ullmhú agus a scaipeadh.
	Postáil a dhéanamh ar na Meáin Shóisialta.
<b>Aon obair eile a shocraíonn an bhainistíocht</b>	

<b>Cáilíochtaí, Taithí &amp; Scileanna:</b>	
Ardscileanna cumarsáide agus idirphearsanta.	
Taithí ar chaidreamh éifeachtach a dhéanamh le daoine ag gach leibhéal.	
Cumas oibriú as a stuaim féin agus mar chuid d'fhoireann.	
Ardchaighdeán Gaeilge, idir labhairt agus scríobh (Líofacht sa Ghaeilge).	
Scileanna ríomhaireachta - ríomhphost agus Wordpress.	
Scileanna MS Office.	
Taithí agus tuiscint ar na Meáin Shóisialta.	
Ardscileanna eagrúcháin agus riaracháin.	
Bheadh taithí agus tuiscint ar obair airgeadais (SAGE) ina bhuntáiste.	

<b>Téarmaí &amp; Coinníollacha</b>			
<b>Scála Tuarastail (cineál/grád) &amp; Pinsean:</b>	Scála státseirbhíse an Oifigigh Fheidhmiúcháin	<b>Tuarastal:</b>	€33,812 - €56,127 (i gcomhréir le cáilíochtaí agus taithí) Scéim pinsin i bhfeidhm
<b>Tréimhse an Chonartha:</b>	Trí Bliana	<b>Uaireanta Oibre:</b>	9.30r.n. - 5.00i.n. Luan go hAoine Am lóin ó 1.00i.n. – 1.30 i.n. D'fhéadfadh go mbeadh uaireanta oibre lasmuigh de na hamanna seo i gceist ó am go ham.
<b>Saoire:</b>	21 lá atá i gceist agus aon saoire phoiblí a cheadófar go náisiúnta.	<b>Conas iarratas a dhéanamh:</b>	Seol do CV agus litir iarratais chuig <a href="mailto:michelle@cnb.ie">michelle@cnb.ie</a> roimh 5i.n. ar 26 Meán Fómhair 2023